

ТАНИЛЦУУЛГА

*Хүнсний гол нэрийн барааны үнэ,
2014 оны 4-р сарын 9-ний байдлаар*


2014 оны 4-р сарын 9-ний байдлаар хүнсний гол нэрийн барааны үнийг өмнөх сарын дундаж үнэтэй харьцуулахад 2.5 хувиар өсч, өмнөх 7 хоногийнхоос 0.6 хувиар буурсан байна.

Махны дундаж үнэ: 2014 оны 4-р сарын 9-ний байдлаар хонины ястай махны үнэ өмнөх сарынхаас 7.0 хувь, үхрийн цул мах 3.7 хувь, адууны мах 0.1 хувиар өсч, үхрийн ястай мах 2.4 хувь, ямааны мах 2.7 хувиар буурсан байна.

Өмнөх 7 хоногийнхоос хонины ястай махны үнэ 1.4 хувь, үхрийн ястай мах 3.9 хувь, ямааны мах 3.6 хувиар буурч, үхрийн цул мах, адууны махны үнэ өөрчлөлтгүй байна.

2014 оны 4-р сарын 9-ний байдлаар 1 кг хонины /ястай/ мах дунджаар 7530 төгрөг, үхрийн /ястай/ мах 8220 төгрөг, үхрийн цул мах 10335 төгрөг, адууны мах 6550 төгрөг, ямааны мах 5565 төгрөгийн үнэтэй байв (Зураг 1).


Зураг 1. Ястай махны жижиглэн худалдааны дундаж үнэ



Гурилын үнэ: 2014 оны 4-р сарын 9-ний байдлаар дээдийн дээд зэргийн савласан гурилын үнэ өмнөх сарынхаас болон өмнөх 7 хоногийнхоос 1.5 хувиар өсч, бусад төрлийн гурилын үнэ өөрчлөлтгүй байлаа.

Будаа, элсэн чихрийн дундаж үнэ: 2014 оны 4-р сарын 9-ний байдлаар цагаан будаа, элсэн чихрийн үнэ өмнөх сарынхаас болон өмнөх 7 хоногийнхоос өөрчлөлтгүй байна (Зураг 2).

Зураг 2



Төмс, хүнсний ногооны дундаж үнэ: 2014 оны 4-р сарын 9-ний байдлаар төмс, хүнсний ногооны үнийг өмнөх сарын дундаж үнэтэй харьцуулахад төмсний үнэ 0.5 хувь, луувангийн үнэ 1.5 хувиар буурч, бусад ногооны үнэ өөрчлөлтгүй байна.

Өмнөх 7 хоногийнхоос луувангийн үнэ 1.5 хувиар буурч, төмс, бусад хүнсний ногооны үнэ өөрчлөлтгүй байна.

Сүү, өндөг, ургамлын болон цөцгийн тосны дундаж үнэ: 2014 оны 4-р сарын 9-ний байдлаар өмнөх сарынхаас савласан /1 литрийн/ сүүний үнэ 5.4 хувь, “Элекстер” /0.5 л/ савласан сүүний үнэ 10.1 хувиар өсч, задгай сүүний үнэ өөрчлөлтгүй, өмнөх 7 хоногийнхоос савласан /1 литрийн/ сүүний үнэ 0.6 хувиар өсч, “Элекстер” /0.5 л/ савласан сүү, задгай сүүний үнэ өөрчлөлтгүй байна.

Ургамлын тос, цөцгийн тос, өндөгний үнэ өмнөх сарынхаас болон өмнөх 7 хоногийнхоос өөрчлөлтгүй байна.

Хүнсний гол нэрийн барааны үнэ, аймгаар

Хүнсний гол нэрийн барааны 7 хоногийн үнийн судалгаанд аймгийн төвүүдээс гурил, мах, цагаан будаа, малын сүү, элсэн чихрийн үнийг судалдаг (Хавсралт хүснэгт 3).

Гурилын үнэ: 2014 оны 4-р сарын 9-ний байдлаар аймгийн төвүүдийн хүнсний зах, дэлгүүрт хэрэглээ ихтэй 1-р зэргийн гурилын үнэ 680-1100 төгрөгийн хооронд худалдаалагдаж байна. Гурилын үнэ өмнөх 7 хоногийнхоос Баян-Өлгий, Дундговь аймагт 20-50 төгрөгөөр өсч, Дархан-Уул аймагт 10 төгрөгөөр буурсан байна.

Дорнод аймагт 1-р зэргийн гурилын үнэ хямд буюу 680 төгрөг байхад, Завхан аймагт 1100 төгрөг байгаа нь өндөр үнэ байна.

Махны үнэ: 2014 оны 4-р сарын 9-ний байдлаар хонины махны үнэ өмнөх 7 хоногийнхоос Увс, Архангай, Баянхонгор, Булган, Орхон, Өвөрхангай, Дархан-Уул, Дундговь, Өмнөговь, Сэлэнгэ, Дорнод, Сүхбаатар аймагт 200-1000 төгрөгөөр өсч, Говь-Алтай, Говьсүмбэр аймагт 200 төгрөгөөр буурсан байна.

Хонины махны үнэ Хөвсгөл аймагт 8500 төгрөг байгаа нь өндөр бөгөөд Баян-Өлгий аймагт 6000 төгрөг байгаа нь хамгийн хямд үнэ байв.

Үхрийн махны үнэ өмнөх 7 хоногийнхоос Баян-Өлгий, Увс, Архангай, Баянхонгор, Дархан-Уул, Сэлэнгэ, Дорнод, Сүхбаатар аймагт 250-500 төгрөгөөр өсч, Говьсүмбэр аймагт 200 төгрөгөөр буурсан байна. Үхрийн махны үнэ Хэнтий аймагт 9500 төгрөг байгаа нь хамгийн өндөр үнэ бөгөөд Баян-Өлгий аймагт 5750 төгрөгөөр худалдаалагдсан нь хямд үнэ байв.

Ямааны махны үнэ Баян-Өлгий, Архангай, Орхон, Өвөрхангай, Баянхонгор, Дархан-Уул, Дундговь, Өмнөговь, Сэлэнгэ, Дорнод, Сүхбаатар аймагт 200-1000 төгрөгөөр өсч, Дорноговь аймагт 100 төгрөгөөр буурсан байна. Ямааны мах Баян-Өлгий аймагт хямд буюу 5000 төгрөг байхад Архангай аймагт 7500 төгрөг байгаа нь хамгийн өндөр үнэ байна.

Малын сүүний үнэ: 2014 оны 4-р сарын 9-ний байдлаар малын сүү аймагт 1200-2500 төгрөгийн үнэтэй худалдаалагдсан байна. Сүүний үнэ Орхон, Өвөрхангай аймагт 200 төгрөгөөр өсч, Өмнөговь, Сэлэнгэ аймагт 100-500 төгрөгөөр буурсан байна. Өмнөговь аймагт хамгийн /2500 төг/ өндөр үнэтэй байна.

Цагаан будаа, элсэн чихрийн үнэ: 2014 оны 4-р сарын 9-ний байдлаар цагаан будааны үнэ өмнөх 7 хоногийнхоос Өмнөговь аймагт 65 төгрөгөөр өсч, Дундговь аймагт 100 төгрөгөөр буурсан байна. Нийт аймагт цагаан будаа 1 кг нь 2000-2400 төгрөгийн хооронд худалдаалагдаж байна.

Элсэн чихрийн үнэ өмнөх 7 хоногийнхоос Дундговь аймагт 50 төгрөгөөр өсч, Өмнөговь аймагт 100 төгрөгөөр буурсан байна. Элсэн чихэр 1 кг нь 1530-2100 төгрөгийн хооронд худалдаалагдаж байна.